



UKA 2018/61  
14. november 2018  
Bentiaraq Ottosen

**Ingerlateqatigiiffiit akileraarutaannik apparatarsinnaaneq pillugu apeqquteqaat aallaavigalugu oqallinnissamik siunnersuummut.**

(Inatsisartunut ilaasortaq Jens Napâtôk', Partii Naleraq)

Oqallisissiamik siunnersuuteqartoq Inatsisartunut ilaasortaq Jens Napâtôk', Partii Naleraq pingaaruteqarluinnartumik oqallisissiamik saqqummiussinera Naalackersuisooqatigiit sinnerlugit imaattumik oqaaseqarfigissavarput.

Ingerlatseqatigiiffiit akileraarutaasa 31,8%-imiittup appartikkiartuaarnissaanut politikikkut sinaakkusersuinissarput Naalackersuisooqatigiit pingaartilluinnarpaat, ukiuni marluk-aartumik siunissamat isigisumik ingerlatseqatigiiffiit akileraarutaasa apparneqartarnissaat Naalackersuisooqatigiinni orniginartinneqarpoq.

Ingerlatseqatigiiffiit akileraarutaasa nalimmassartuarneratigut appaasarnissaq ingerlatseqatigiiffinnut pisortat pigisaanut aamma namminersortutut ingerlatsisuusuni peqqinnartumik kinguneqartitsisussaavoq, oqallisissiami siunnersuuteqartoq soqutigilluinnakkatsinnik saqqummiussaqaqarnera oqalliseqataaffigissavarput. Naalackersuisooqatigiit isumaqatigiissutaani erseqqaarissumik oqariartuutigisimavarput ingerlatseqatigiiffiit akileraarutaat appartikkiartuaarnissaanut siunissami qulakkeerinnissalluta. Ersarissumik oqariartornitta takutippaa iluaqutaalluarsinnaasoq inuiaqatigiinni akissaqassutsip aamma suliffeqarfiup pitsaasumik ineriartornissaanut peqqinnartumik kinguneqartitsisassoq.

Ingerlatseqatigiiffiit akileraarutaat 15%-imut appartinneqarpat mianersorfissatsinnik ulikkaarpugut, kommunit akileraarutitigut qaffaananik kinguneqarsinnaasumik, Namminersorlutik Oqartussat aamma Kommunit ingerlatseqatigiiffinnut akileraarutaasa akiliisinnaajunnaarnerannut kinguneqarsinnamat. Aningaasat naleerukkiartornerat eqqarsaatiginerullugit annertuumik appaanikkut nunatta karsianut aamma inuiaqatigiinni kingunerluuteqartitsisinnaanerit Naalackersuisooqatigiit ernummatigaat. Taamatulli Naalackersuisooqatigiit inuiaqatigiit akornanni mianersornartumik inissinnginnissaq pinngitsoortikkumallugu toqqaannartumik appaarujussuarani ukiuni marlunni appaasarnissaq siunnerfigaat.

Suliffeqarfiit pisortat pigisaasa aamma naamminersortutut ingerlatsisut annertuumik sulisoqarnermikkut pitsanngorsaaticgissavaat ingerlatseqatigiiffinnut akileraarut apparneqarpat, sulisut aamma inuiaqatigiit peqqinnartumik alloriassapput. Naalackersuisooqatigiit isummaminnik



tigussaasumik siunnerfeqarput ingerlatseqatigiiffimmut akileraarut siunissami appartikkiartuaarnissaanut nalimmassaanissaminnut.

Akitsuutitut qaffaaratarsinnaaneq pinngitsoortinniagassaraarput, taamaattumik peqqissaartumik akileraarutit nalimmassartuarnissaat iliuseqartariaqarpugut. Aningaasat aallerfissagut eqqarsaatigalugit inuussutissarsiutinik nutaanik pilersitsiortortoqarnissaa orniginartuutittariaqarparput.

Sunniutissat eqqarsaatiginerullugit uku Naalakkersuisooqatigiinniit eqqumaffigeqquneqarput:

Ingerlatseqatigiiffinnut akileraarut toqqaanartumik 15%-imut appartinneqarpat inuiaqatigiinni sunniutissat aamma aningaasat naleerukkiartorneranut nipitinneqarsinnaasut:

- Biilinit akitsuutitut qaffaaneq
- Nioqutissat akitsuuserneqarsimasut akitsuuseqqinnissaanut aaqqissuusinerit
- Kommunit akileraarutitigut qaffaanerat

Taamaattumik Naalakkersuisooqatigiit isumaqarput taamannak appaanissaq orniginanngitsoq, inuiaqatigiinni sunniutissat qiviarneqaaqqaartariaqartut isumaqarpugut.

Ingerlatseqatigiiffiit akileraarutaasa appartinnissaat pisariaqarpoq, suliffeqarfiit nutaamik ingerlatsillutik aamma nutaamik pilersinneqartut eqqarsaatiginerullugit akileraartarnikkut artukkerneqannginnissaat anguneqassaaq, taamaaliornikkummi inuiaqatigiinni suliffissaqartitsinikkut suliffeqarfiit namminersortut kivinneqartussaammata.

Ujartorpavut annertuumik isummersornitsinni ernumatigisimasagut, tassami pingaaruteqarmat inuiaqatigiinni aamma suliffeqarfinni namminersortuni, pisortat pigisaanni peqqinnarnerusumik ineriartortitsineq.

Taamatut oqaaseqareerluta, una oqallisissiaq tunngaviatigut taperserparput kisiannili Naalakkersuisooqatigiinni ingerlatseqatigiiffiit akileraarutaat pillugit siunissami appaasoqartassasoq isumaqatigiissutaareemat.

Inatsisartut oqallilluarnissaanik kissaallugit oqallillarisi.